

ქ. ბათუმი

„ 05 “ დეკემბერი 2017 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი 3, პუნქტი 1, „ს“ ქვეპუნქტი) და „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს (მუხლი 2, „ა“ ქვეპუნქტი) შესაბამისად, ა(ა)იპ აგროპროექტების მართვის ცენტრის (შემდგომში „შემსყიდველი“), წარმოდგენილი დირექტორის ჯამბულ აბულაძის სახით ერთი მხრივ და შ.პ.ს. „რეზუ ტექსტურის“-ს (შემდგომში „მიმწოდებელი“), წარმოდგენილი დირექტორის ზურაბ კარგიშვილის სახით მეორე მხრივ, გამარტივებული შესყიდვის საშუალებით, ვაფორმებთ წინამდებარე ხელშეკრულებას შემდეგ ზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს „შემსყიდველის“ ბალანსზე რიცხული „ვაზ 2121“-ს (NIVA) მარკის (სახ. № LP 112 PL) სატრანსპორტო საშუალებისათვის ხელშეკრულების დანართით გათვალისწინებული სხვადასხვა სახის ავტონაწილების შესყიდვა – CPV კოდი: 34300000 (შემდგომში „საქონელი“), ხელშეკრულების პირობების შესაბამისად.

1.2. შესასყიდი საქონლის კონკრეტული დასახელება, ზომის ერთეული, რაოდენობა, ერთეულის ფასი და ღირებულება განისაზღვრება დანართის მიხედვით, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. საქონლის მიწოდების წესი, ვადები და ღირებულება

2.1. შესასყიდი საქონელის მიწოდება მოხდება მხარეების მიერ ხელშეკრულების ხელმოწერის დღიდან არაუგვიანეს 2017 წლის 20 დეკემბრამდე პერიოდში, შემსყიდველის (კოორდინატორის) მოთხოვნის შესაბამისად, მოთხოვნისთანავე.

2.2. შესასყიდი საქონელის მიწოდება მოხდება მისამართზე: ქ. ბათუმი, ფრ. ხალვაშის N 205.

2.3. ხელშეკრულების ჯამური ღირებულება შეადგენს 206 (ორასექსი) ლარს.

2.4. საქონელი ჩაითვლება მიღებულად მიღება-ჩაბარების აქტის გაფორმების, მიმწოდებლის მიერ საანგარიშსწორებო დოკუმენტების ელექტრონული სახით წარმოდგენის და წარმოდგენილ საანგარიშსწორებო დოკუმენტებზე შემსყიდველის მიერ თანხმობის მიცემის, დადასტურების შემდეგ, რის შემდეგაც არაუგვიანეს ათი სამუშაო დღისა, ფაქტობრივად მიღებული საქონლის რაოდენობის გათვალისწინებით მოხდება ანგარიშსწორება უნაღდო ანგარიშსწორების წესით, ლარში.

3. მხარეთა უფლება-მოვალეობანი

3.1. „მიმწოდებელი“ ვალდებულია:

ა) მიაწოდოს „შემსყიდველს“ საქონელი დროულად, ამ ხელშეკრულებით გათვალისწინებული წესით და დადგენილ ვადებში შემსყიდველის მხრიდან რაიმე დამატებითი დანახარჯის გაწვევის გარეშე;

ბ) შეტყობინების მიღებისთანავე უზრუნველყოს საქონლის მიღების ან/და საბოლოო შემოწმების შედეგად დაწუნებული საქონლის შეცვლა შემსყიდველის მხრიდან რაიმე დამატებითი დანახარჯის გაწვევის გარეშე.

3.2. „მიმწოდებელი“ იძლევა გარანტიას მიწოდებული საქონლის ხარისხზე.

3.3. „მიმწოდებელს“ უფლება აქვს მოითხოვოს ფაქტობრივად მიწოდებული და ჩაბარებული საქონლის ღირებულების ანაზღაურება ხელშეკრულებით გათვალისწინებული წესით და დადგენილ ვადებში.

3.4. „შემსყიდველი“ ვალდებულია მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში.

3.5. „შემსყიდველს“ უფლება აქვს:

ა) მოითხოვოს „მიმწოდებლისაგან“ შესასყიდი საქონლის მიწოდება დროულად, ხელშეკრულებით დადგენილი წესით და დადგენილ ვადებში შემსყიდველის მხრიდან დამატებითი დანახარჯის გაწვევის გარეშე;

ბ) მოითხოვოს „მიმწოდებლისაგან“ საქონლის მიღების ან/და საბოლოო შემოწმების შედეგად დაწუნებული

საქონლის შეცვლა, დამატებითი დანახარჯის გაწვევის გარეშე.

4. მხარეთა პასუხისმგებლობა

4.1. წინამდებარე ხელშეკრულებით განსაზღვრული ვადების დარღვევის შემთხვევაში, ვადის გადამცილებელი მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს ხელშეკრულების ჯამური ღირებულების 0.1%.

4.2. იმ შემთხვევაში, თუ გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 2%-ს, მეორე მხარეს უფლება აქვს შეწყვიტოს ხელშეკრულება.

4.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

5. ხელშეკრულების პირობების ინსპექტირება

5.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე შესასყიდი საქონლის ხარისხისა და ვალდებულების შესრულების ვადების დაცვის ხელშეკრულების მოთხოვნებთან შესაბამისობის კონტროლს.

5.2. ხელშეკრულებით ნაკისრი ვალდებულებების შესრულების ინსპექტირების განხორციელებაზე და მიღება – ჩაბარების აქტზე ხელმომწერ უფლებამოსილ პირს წარმოადგენს დავით ბოლქვაძე – ადმინისტრაციული სამსახურის წამყვანი სპეციალისტი-სამეურნეო საკითხებში.

5.3. მიწოდებული ვალდებულება საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6. ხელშეკრულების ძალაში შესვლა და მოქმედების ვადები

6.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.

6.2. ხელშეკრულება მოქმედებს 2017 წლის 30 იანვრამდე.

7. ზოგადი დებულებები

7.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

7.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.3. შესასყიდი საქონლის ფასი ფიქსირებულია წინამდებარე ხელშეკრულებით (დანართით) და შეიძლება შეიცვალოს მხოლოდ მხარეთა ურთიერთშეთანხმებით.

7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს ხუთი კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

7.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

7.6. მხარეები თანხმდებიან, რომ ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით.

7.7. მხარეები თანხმდებიან, რომ წინამდებარე ხელშეკრულებით გათვალისწინებული საჯარიმო სანქციების გამოყენების შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, ანგარიშსწორების ნაწილში საბოლოო ანგარიშსწორებამდე.

7.8. მხარეები თანხმდებიან, რომ ხელშეკრულების ჯამური ღირებულება მოიცავს შესყიდვის ობიექტის მიწოდებასთან დაკავშირებულ ყველა თანმდევ ხარჯს, კანონმდებლობით დადგენილ ყველა გადასახადს, მოსაკრებელს. კანონმდებლობით დადგენილი გადასახადების გადახდას უზრუნველყოფს მიმწოდებელი.

7.9. მხარეები თანხმდებიან, რომ არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

7.10. მხარეები თანხმდებიან, რომ წინამდებარე ხელშეკრულების დანართით განსაზღვრული შესასყიდი საქონელის რაოდენობა და 2.3. პუნქტით განსაზღვრული ჯამური ღირებულება არის სავარაუდო და მათი მოლიანად აუთენსიკაციის შემთხვევაში შემსყიდველი პასუხს არ აგებს, აღნიშნულ შემთხვევაში ხელშეკრულების ჯამურ ღირებულებად ჩაითვლება ფაქტიურად ათვისებული თანხა, რაც ცალკე წერილობით შეთანხმებას აღარ საჭიროებს.

7.11. მხარეები თანხმდებიან, რომ თითოეული მხარე კისრულობს ვალდებულებას კეთილსინდისიერად შესარულოს წინამდებარე ხელშეკრულებით ნაკისრი ვალდებულებები.

7.12. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, აქედან ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

8. ფორს-მაჟორი

8.1. ხელშეკრულების პირობების ან რომელიმე მათგანის მოქმედების შეჩერება, „ფორს-მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

8.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

9. ინტერესთა კონფლიქტი

9.1. შემსყიდველის მხრიდან ხელშეკრულებაზე ხელმოწერი პირი და კოორდინატორი, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

10. დაგათა განხილვის წესი

10.1. მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

11. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

აგროპროექტების მართვის ცენტრი
მის.: ქ. ბათუმი გოგებაშვილის ქ. №46ა
აჭარის ა.რ. ფინანსთა და ეკონომიკის
სამინისტროს სახაზინო სამსახური
საიდენტიფიკაციო კოდი: 445498060

შ.პ.ს. „რეზუ ტექსერვისი“
მის.: ქ. ბათუმი, ფრ. ხალვაშის გ. №205
ანგარიშის №GE60TB7559736020100003
საიდენტიფიკაციო კოდი: 248430559
მიმღების ბანკი: სს „თიბისი ბანკი“
ბათუმის ფილიალი
ბანკის კოდი: TBCBGE22

დირექტორი

დირექტორი


ჯ. აბულაძე


ზ. კარგიშვილი

ავტონაწილები – CPV კოდი: 34300000

№	შესასყიდი საქონლის დასახელება	ზომის ერთეული	რაოდენობა	ერთეულის ფასი (ლარი)	სულ (ლარი)
1	2	3	4	5	6
2	ძრავის ამძრავი	ცალი	1	100	100
3	ზეთის ფილტრი	ცალი	1	9	9
4	ჰაერის ფილტრი	ცალი	1	15	15
5	ბენზინის ფილტრი	ცალი	1	15	15
6	ლუმელის ონკანი	ცალი	1	15	12
7	ლუმელის ონკანის ზედდები	ცალი	2	3	6
8	ლუმელის მილი	ცალი	1	12	12
9	მილის ზედდები	ცალი	1	1,5	3
10	გენერატორის რელე	ცალი	1	8	8
11	რკინის ხაშუთი	ცალი	4	1	4
12	გენერატორის ღერძი	ცალი	1	15	15
13	გენერატორის ღვედი	ცალი	1	7	7
	სულ ჯამი:				206

„შემსყიდველი“

აგროპროექტების მართვის ცენტრი
 მის.: ქ. ბათუმი გოგებაშვილის ქ. №46ა
 აჭარის ა.რ. ფინანსთა და ეკონომიკის
 სამინისტროს სახაზინო სამსახური
 საიდენტიფიკაციო კოდი: 445498060

დირექტორი

 ჯ. აბულაძე

„მიმწოდებელი“

შ.პ.ს. „რეზუ ტექსერვისი“
 მის.: ქ. ბათუმი, ფრ. ხალვაშის გ. N205
 ანგარიშის №GE60TB7559736020100003
 საიდენტიფიკაციო კოდი: 248430559
 მიმღების ბანკი: სს „თიბისი ბანკი“
 ბანკის კოდი: TBCBGE22

დირექტორი

 ზ. კარგივილი